

Zastupnici u Predstavničkom domu
Parlamenta Federacije Bosne i Hercegovine
Članovi komisije za ispitivanje zakonitosti
plasmana kredita u švicarskim francima

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMIJENO	26-09-2017
01-02-632	116

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primijeno:	26-09-2017		
Org. jed.	Broj	Priloga	Vrijednost
02-02-	632	116	107

Bosna i Hercegovina
Federacija Bosne i Hercegovine
Parlament Federacije BiH
PREDSTAVNIČKI DOM
n/r Edin Musić - predsjedavajući

n/r članovima kolegija Predstavničkog doma FBiH

Predmet: Amandmani na Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM).

U skladu sa Poslovnikom o radu Predstavničkog doma Parlamenta Federacije BiH ulažemo slijedeće amandmane na Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM)

Amandman I

Član 3. mijenja se:

Briše se u Članu 3. Stav 5. i 6.

U Članu 3. Stav 7. se stavlja pod Stav 5. i Stav 8. se stavlja pod Stav 6.

U Članu 3. u novom Stavu 6. (usvojenim Nacrtom zakona Stav 8.) briše se tekst i novi glasi:

'Krediti svih korisnika kredita u BiH sa CHF klauzulom odobrenih i izdatih od banaka sa poslovnica i sjedištem u Federaciji BiH.'

Amandman II

U Članu 4. briše se Stav 1. i novi Stav 1. glasi:

Davalac kredita je banka, mikrokreditna organizacija, leasing društvo ili svako drugo pravno lice koje je zaključilo kredit s valutnom klauzulom CHF s korisnikom kredita.

Davatelj kredita je i ona pravna ili fizička osoba na koju je tražbina prema dužniku prenesena nekim pravnim poslom na druga pravna ili fizička lica.

U Članu 4. briše se Stav 5.

Obrazloženje

U ranije usvojenom Nacrtu zakona o konverziji kredita sa valutnom klauzulom u švicarskim francima (CHF) u konvertibilne marke (KM) u Članu 3. Stav 5. bilo je predviđeno da Zakon obuhvata i korisnike kredita koji su od banaka dobili određene olakšice i potpisali Aneks sa bankama o konvertovanju kredita CHF u KM ili EURO. Obzirom da su ovi korisnici kredita na taj način riješili sve nesuglasice i nesporazume sa bankama, ovim Zakonom nije ni potrebno rješavati takve ugovore o kreditu.








Također, u ranije usvojenom Nacrtu istog zakona u Članu 3. Stav 6. bilo je predviđeno da ovaj Zakon obuhvata i sve otplaćene kredite fizičkih lica, a što ima elemente retroaktivnosti, te smatramo da zbog jačeg uporišta ovog zakonskog rješenja takve slučajeve zatvorenih kredita treba i izbjeći u Prijedlogu zakona.

Pod otplaćenim kreditima smatramo one koji su već zbog isteka roka otplate zatvoreni.

U ranije usvojenom Nacrtu istog zakona u Članu 4. Stav 5. bilo je, također, predviđeno da Zakon obuhvata reprogramirane i zatvorene kredite, te se u Prijedlogu zakona isti brišu.

U prilogu vam dostavljamo tekst usvojenog Nacrta zakona sa već upisanim ili izbrisanim gore pomenutim amandmanima, te predlažemo slijedeći Prijedlog zakona u pisanoj formi.

U prilogu Prijedlog zakona o konverziji kredita sa valutnom klauzulom u švicarskim francima (CHF) u konvertibilne marke (KM), sa upisanim amandmanima.

1. Mirza Ganić  Predsjednik komisije,
2. Sanel Razić  Član komisije,
3. Radoslav Luburić  Član komisije,
4. Vjekoslava Bakula  Član komisije,
5. Dženan Džonlagić  Član komisije,
6. Hasan Muratović  Član komisije,
7. Azra Hadžiahmetović  Član komisije

Sarajevo, 2017. godine.

PREDMET:

PRIJEDLOG ZAKONA O KONVERZIJI KREDITA SA VALUTNOM KLAUZULOM U ŠVICARSKIM FRANCIMA (CHF) U KONVERTIBILNE MARKE (KM).

Članak 1.

(1) Ovim zakonom uređuje se način i postupak pretvorbe kredita s valutnom klauzulom u švicarskim francima (u daljnjem tekstu: CHF) u kredite u valutu Konvertibilna marka (u daljnjem tekstu: KM) po tečaju (CHF-KM) na dan zaključenja ugovora o kreditu.

Članak 2.

Davatelj kredita će, u skladu sa ovim zakonom, izvršiti konverziju kredita s valutnom klauzulom CHF u kredite u valutu KM, sačiniti aneks ugovora o kreditu s korisnikom kredita uz zadržavanje postojećih instrumenata osiguranja i utvrditi novi plan otplate kredita počev od dana sklapanja ugovora o kreditu s valutnom klauzulom CHF.

Članak 3.

Konverzija kredita, koji se uređuje ovim zakonom, obuhvaća:

- 1) kredite koji su u redovitoj otplati fizičkih lica,
- 2) kredite koje su davatelji kredita jednostrano raskinuli zbog nemogućnosti otplate takvog kredita od strane korisnika kredita uključujući i kredite kod kojih je zbog nemogućnosti otplate došlo do aktiviranja sredstava osiguranja (mjenica, hipoteka, prodaja nekretnine korisnika kredita),
- 3) kredite koji trenutno nisu u redovitoj otplati zbog nemogućnosti otplate takvog kredita od strane korisnika kredita fizičkog lica,
- 4) kredite prenesene od strane davatelja kredita na druge vjerovnike (fizičke i pravne osobe)
- 5) krediti kod kojih je zbog nemogućnosti otplate kredita fizičkih lica došlo do aktiviranja sredstava osiguranja: žiranti, sudužnici, mjenice, hipoteke ili prodaje nekretnine,
- 6) kredite svih korisnika kredita u BiH sa CHF klauzulom odobrenih i izdatih od banaka sa poslovnica i sjedištem u FBiH.

Članak 4.

Pojedini izrazi, u smislu ovog zakona, imaju sljedeće značenje:

1) davalac kredita je banka, mikrokreditna organizacija, leasing društvo ili svako drugo pravno lice koje je zaključilo kredit s valutnom klauzulom CHF s korisnikom kredita.

Davatelj kredita je i ona pravna ili fizička osoba na koju je tražbina prema dužniku prenesena nekim pravnim poslom,

2) korisnik kredita je svaka fizička osoba s boravištem u Federaciji BiH

3) anuitet je novčani iznos mjesečne obaveze korisnika kredita po osnovi ugovora o kreditu i anuitetni planu otplate,

(4) reprogramirani kredit je odlaganja originalnog plana otplate na temelju ugovora s davateljem kredita.

Članak 5.

(1) osnova za konverziju kredita predstavlja iznos u konvertibilnim markama koji je davatelj kredita odobrio korisniku kredita, i taj iznos predstavlja početnu odobrenu glavnicu kredita za aneks ugovora.

(2) protuvrijednost iznosa iz stavka (1) ovog članka davatelj kredita će izraziti na dan zaključenja ugovora o kreditu s valutnom klauzulom u CHF.

Članak 6.

(1) Za namjene pripreme aneksa ugovora o kreditu, davatelj kredita će izvršiti konverziju kredita odobrenih s valutnom klauzulom u CHF po stanju na dan zaključenja ugovora o kreditu (po tečaju CHF:KM na dan sklapanja ugovora u kreditu).

(2) Korisnicima kredita prezentovat će se novi anuitetni plan otplate počevši od dana sklapanja ugovora o kreditu s valutnom klauzulom u CHF uzimajući u obzir sve promjene referentne kamatne stope i ostale promjene.

(3) Novi anuitetni plan otplate kredita obračunat će se s fiksnom godišnjom kamatnom stopom od 5% na ukupan iznos kredita počevši od dana sklapanja ugovora o kreditu s valutnom klauzulom u CHF pa sve do krajnje otplate istoga.

Članak 7.

(1) Davatelj kredita će utvrditi iznos svih uplata korisnika kredita fizičkih lica za kredite s valutnom klauzulom u CHF i utvrditi razliku tog iznosa sa novim anuitetnim planom na dan zaključenja aneksa ugovora.

(2) Ako je ukupan uplaćeni iznos za kredite s valutnom klauzulom u CHF veći od mjesečnih anuiteta novog plana otplate kredita s valutnom klauzulom u KM na dan zaključenja aneksa ugovora taj iznos će se smatrati preplatom korisnika kredita i koristit će se za plaćanje budućih mjesečnih anuiteta do 50 posto dospjelog anuiteta.

(3) Ako je iznos preplate veći od ukupnog iznosa anuiteta novog anuitetnog plana na dan konverzije kredita davatelj kredita je obavezan tu razliku vratiti korisniku kredita (fizičko lice) u roku do dvije godine.

(4) Ako je iznos uplate korisnika kredita za kredite s valutnom klauzulom u CHF manji od iznosa anuiteta novog anuitetnog plana na dan zaključivanja aneksa ugovora korisnik kredita je obavezan tu razliku nadoknaditi u roku do dvije godine.

(5) Korisnik kredita i davatelj kredita nemaju pravo na obračun zatezne kamate na preplatu kao i za kašnjenja u otplati kredita utvrđenu ovim člankom.

Članak 8.

Agencija za bankarstvo Federacije BiH će u roku od 15 dana od dana stupanja na snagu ovog zakona donijeti podzakonske akte potrebne za njegovo provođenje.

Članak 9.

Nadzor nad primjenom ovog zakona vršit će Agencija za bankarstvo Federacije BiH.

Članak 10.

Ovaj zakon se primjenjuje na kredite s valutnom klauzulom u CHF zaključene do dana stupanja na snagu ovog zakona.

Članak 11.

Davatelj kredita je obavezan u roku od 45 dana od dana stupanja na snagu ovog zakona izvršiti pretvorbu kredita sa valutnom klauzulom u CHF, u skladu sa ovim zakonom.

Članak 12.

Stupanjem na snagu ovog zakona prestaju važiti sva djelovanja pravnih poslova na temelju kojih je davatelj kredita prenio svoje potraživanje prema korisniku kredita na druge pravne ili fizičke osobe.

Članak 13.

Konverzija kredita s valutnom klauzulom u CHF predstavlja opći interes za Federaciju BiH koji se ostvaruje primjenom odredaba ovog zakona.

Članak 14.

(1) Novčanom kaznom od 10.000 KM do 50.000 KM kaznit će se svaki pojedinačni prekršaj banaka odnosno drugo pravno lice za neprovođenje ovog zakona.

(2) Za neprovođenje ovog zakona kaznit će se i odgovorna osoba u banci, odnosno drugoj pravnoj osobi novčanom kaznom od 2.000 KM do 10.000 KM.

Članak 15.

Ovaj zakon stupa na snagu osmog dana od dana objave u 'Službenom glasniku Federacije BiH'.

OBRAZLOŽENJE I RAZLOZI DONOŠENJA OVOG PRIJEDLOGA ZAKONA DATI SU U VEĆ USVOJENOM NACRTU ZAKONA OBA DOMA PARLAMENTA FEDERACIJE BIH.